



REPUBLIKA E SHQIPËRISË
NDËRMARRJA KOMUNALE
BASHKIA KUÇOVË

Data ____ / ____ / 2026

PROCESVERBAL – Tipi i kontratës - Mall

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

“Blerje fadromë me goma”.

KODI PËRKATËS NË FJALORIN E PËRBASHKËT TË PROKURIMIT (CPV):

Kodi PCV 34100000-5 “Automjete”

VLERA E FONDIT LIMIT :

Fond limit 3 750 000 *(tre milion e shtatëqind e pesëdhjetë mijë)* lekë pa tvsh, të vënë në dispozicion nga buxheti i bashkisë Kuçovë.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor Bashkia Kuçovë ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë :

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. *Formularin Përmbledhës të Vetëdeklarimit, sipas shtojcës 9;*

b. *Sigurimin e Ofertës, sipas Shtojcës 4;*

Argumentimi : Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”.

2. Kandidati/Ofertuesi duhet të dorëzojë:

2.1.1 Ofertuesi duhet të paraqesi Vërtetim për shlyerjen e detyrimeve vendore për vitin 2026, duke mbajtur në konsideratë dhe përcaktimet e Ligjit Nr 9632, datë 31.10.2006 “Për sistemin e taksave vendore” i ndryshuar, lidhur me afatet e kryerjes së pagesave të caktuara nga njësitë e vetëqeverisjes vendore, pranë njësive vendore ku operatori ekonomik ushtron aktivitetin e ti sipas QKB-së.

Për përmbushjen e këtij kriteri, operatorët ekonomik duhet të vetdeklarojnë në formularin përmbledhës të vetëdeklarimit.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 6, të VKM nr. 285, datë 19.05.2021 “Për miratimin e rregullave të prokurimit publik” dhe në ligjin nr.9632, datë 30.10.2006 “Për Sistemin e Taksave Vendore” i ndryshuar.

Për Taksat Lokale

Në ligjin nr. 9632, datë 30.10.2006 “ Për sistemin e taksave vendore”, i ndryshuar, neni 9 përcaktohet se :

Në taksat vendore përfshihen :

1. Taksa vendore mbi biznesin e vogël.
2. Taksa mbi pasurinë e paluajtshme, në të cilën përfshihen taksa mbi ndërtesat dhe taksa mbi tokën bujqësore.
3. Taksa e fjetjes në hotel.
4. Taksa e ndikimit në infrastrukturë nga ndërtimet e reja.
5. Taksa mbi kalimin e së drejtës së pronësisë për pasuritë e paluajtshme.
6. Taksa e regjistrimit të përvitshëm të mjeteve.
7. Taksa për zënien e hapësirave publike.
8. Taksa e tabelës.
9. Taksa të përkohshme.

Në nenin 14 po këtu, përcaktohet se : “1. Taksa paguhet në katër këste të barabarta. Kësti i parë paguhet brenda datës 20 prill. Kësti i dytë jo më vonë se data 20 korrik, kësti i tretë jo më vonë se data 20 tetor dhe kësti i fundit jo më vonë se data 20 janar e vitit të ardhshëm fiskal”.

Bazuar mbi sa më sipër kërkesa e autoritetit kontraktor për pagesën e taksave lokale, është në përputhje me ligjin 9632 datë 30.10.2006 ”Për sistemin e taksave vendore” i ndryshuar.

2.2. Kapaciteti ekonomik dhe financiar:

2.2.1. Operatori Ekonomik duhet të paraqesë deshmi për realizimin me sukses të një ose disa kontratave të mëparshme, të ngjashme, të kryera gjatë tri viteve të fundit, nga data shpalljes së njoftimit të kontratës, në një vlerë totale jo më të vogël se 15% të vlerës së fondit limit.

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose/dhe faturave tatimore të shitjes (të deklaruara në organet tatimore, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara.
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Argumentimi : Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenit 40, pika 4, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë jo më pak se 15 % të vlerës së fondit limit që prokurohet, që është brenda vlerës kufi të përcaktuar në nenin e sipërcituar dhe konkretisht gjërmes a) të pikës 4 të nenit 55 të VKM së sipërcituar.

2.2.2 Operatori ekonomik duhet të paraqesë Certifikatë në emër të vet për objektin e prokurimit, që vërteton cilësinë e menaxhimit të cilësisë, ISO 9001 (e vlefshme) ose ekuivalente të tij. Certifikata të jetë e lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtar akreditues, të njohura nga Republika e Shqipërisë.

Argumentimi: Kërkesa e mësipërme është përcaktuar bazuar në nenin 79, “Standardet e sigurimit të cilësisë dhe standardet e menaxhimit mjedisor” të ligjit nr. 162, datë 23.12.2020 “Për

prokurimin publik” i ndryshuar, dhe nenin 44 pika 1 dhe 3 të VKM nr.285, datë 19.05.2021 “Për miratimin e Rregullave të Prokurimit Publik”, i ndryshuar. Për vetë natyrën e kontratës që do të prokurohet, është tepër e rëndësishme që ofertuesit duhet të jenë të certifikuar për cilësinë si dhe të kryejnë veprimtarinë e tyre në përputhje me standardet e kërkuara të cilësisë.

Kjo certifikatë lidhet ngushtësisht me objektin e kontratës përsa kohë do të pranohen edhe certifikata ekuivalente të ISO 9001:2015, e cila i shërben autoritetit kontraktor për njohjen e kapaciteteve të operatorëve ekonomikë dhe të mundësisë së tyre për përmbushjen e plotë të kontratës me sukses dhe në kohë.

2.2.3 Operatori Ekonomik duhet të disponojë Licencë të lëshuar nga Qendra Kombetare e Biznesit (QKB): VII.3.B, “Blerja dhe shitja e mjeteve me motor dhe rimorkio.

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik”, nenit 40, pika 5, gërma a e VKM nr.285, datë 19.05.2021 “Për miratimin e Rregullave të Prokurimit Publik”, të ndryshuar, Ligjin Nr. 9573, datë 03.07.2006, “Për autoriparimin, shitblerjen, depozitimin e mjeteve rrugore me motorr, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”, i ndryshuar, VKM Nr. 107, datë 10.02.2016, “Për një shtesë në VKM Nr. 538, datë 26.05.2009, Për Licencat dhe Lejet që trajtohen nga apo nëpërmjet Qendrës Kombëtare të Biznesit (QKB) dhe disa rregullime të tjera nënligjore të përbashkëta e ndryshuar” Udhëzim Nr. 1545, datë 29.03.2016 “Licencë për blerjen, shitjen e mjeteve me motor dhe rimorkio”

Me anë të këtij kriteri kërkohet që operatorët ekonomikë të dëshmojnë se disponojnë licencat profesionale për prodhimin dhe/ose furnizimin e mallrave, objekt i kontratës, të lëshuara nga autoritetet kompetente shtetërore.

“...Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti kontraktor kërkon licencat profesionale për prodhimin dhe ose furnizimin e mallrave, objekt i kontratës, të lëshuara nga autoritetet kompetente shtetërore...”

Disponimi i licencës së mësipërme nga ana e ofertuesve, garanton autoritetit kontraktor për zbatimin e kontratës me sukses dhe në kohë.

2.3.4 Operatorët ekonomik ofertues duhet të paraqesin një deklaratë ku merr përsipër dorëzimin e mjetit të targar, ku të ketë të përfshira në çmim të gjithë dokumentacionin përkatës për qarkullim në përputhje me legjislacionin përkatës të Republikës së

Shqipërisë (zhdoganimin, regjistrimin, targimin me targa shqiptare) si dhe për rregjistrimin në emër të autoritetit kontraktor.

2.3.5 Operatorët ekonomik ofertues duhet ta kenë automjetin në pronësi, vërtetuar kjo në një prej mënyrave të mëposhtme :

- me certifikatën e pronësisë.
- ose me faturën tatimore të blerjes së automjetit objekt prokurimi.

Disponimi i automjetit në pronësi nga operatorët ekonomik ofertues në një nga format e mësipërme, garanton autoritetit kontraktor për zbatimin e kontratës në kohë dhe me sukses *duke pritur vetëm oferta të përgjegjshme*.

Të gjitha dokumentet duhet të jenë origjinale ose kopje të noterizuara.

Dhënia e informacionit të rremë, përbën shkak për skualifikim, si dhe do të veprohet konform parashikimeve të LPP.

II. Argumentimi i specifikimeve teknike

*Shënim: Përcaktoni specifikimet teknike, për mallrat objekt prokurimi, të cilat duhet të përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson mallrat si të pranueshme për funksionet e kërkuara, në përputhje me parashikimet e nenit 4, pika 38/b dhe nenit 36, të LPP, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”, **duke argumentuar çdokërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.***

Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët “ose ekuivalente”.

FORMULARI I SASISË DHE GRAFIKUT TË LËVRIMIT

Sasia e mallit që kërkohet:

Afatet e lëvrimit:

Artikulli	Përshkrimi	Sasia	Destinacioni	Periudha e dorëzimit
1	Fadromë me goma	1	Agjencisë së Shërbimit Komunal, Bashkia Kuçovë	1 muaj

(SPECIFIKIMET TEKNIKE TË MJETIT)

Viti i Prodhimit Minimumi 2007;
Orët e punës Jo më shumë se 3000 (tre mijë) orë pune
Lloji : Fadromë me krahë gjermimi
Konfigurimi 4x4

Motorri

Lloji : Minimumi 4 cilindra + turbo
Cilindrata motorit : 4300 cc - 4500 cc
Fuqia : Nga 73 kw – 75 kw
Lloji i karburantit : Diesel
Transmisioni : Automatike
Sistemi i drejtimit : Hidraulik
Valvulat duhet të jenë me komandim joystick

Pesha e mjetit : Minimumi 7500 kg
Kova përpara duhet të jetë multifunksionale me hapje dhe mbyllje hidraulike
Krahu i pasëm duhet të jetë me hapje dhe mbyllje (teleskop)
Të ketë jo më pak se dy kova. Krahu i pasëm i teleskopit duhet të ketë montuar linjën e çekiçit.
Gomat duhet të jenë të reja.
Mjeti duhet të jetë në gjendje teknike të mire.

- Garancia e automjetit zjarrfikës të jetë për një periudhë kohe jo më pak se 6 (gjashtë) muaj nga data e dorëzimit të tij nga operatori ekonomik fitues; Për me tepër autoriteti kontraktor si formë garancie nuk do të çlirojë sigurimin e plotë të kontratës të paguar nga operatori ekonomik fitues. Në çdo rast, të paktën 25% e vlerës korresponduese të sigurimit të kontratës, do të mbetet si garanci deri në përfundim të afatit të sigurimit të kontratës në përputhje me parashikimet e nenit 36 pika 2 të VKM-së Nr 285 datë 19.05.2020 “Për Miratimin e Rregullave të Prokurimit Publik” të ndryshuar.
- Në çmim përfshihen veprimet që kryhen për sjelljen e automjetit Fadromë me goma pranë autoritetit kontraktor, zhdoganimin dhe shpenzime të tjera deri në targimin e automjetit dhe me regjistrimin e tij (leja e qarkullimit, çertifikata e pronësisë, targa, siguracion etj).

Operatorët ekonomik ofertues në përgatitjen e ofertës së tyre duhet ti qendrojnë me rigorozitet specifikimet teknike që ka parashikuar autoriteti kontraktor.

Në hartimin e specifikimeve teknike njësia e prokurimit i ka qëndruar me rigorozitet kuadrit ligjor në fuqi dhe Rekomandimit të APP, duke caktuar një minimum të mundshëm për specifikimet konkrete të mjetit, si fuqia e motorit, pesha e tij, ngritja e krahut, gjatësia e kovës etj.

Qëllimi i AK në hartimin e specifikave është bazuar në punën konkrete që do të kryej fadromë me goma, si pastrimin, skarifikimin e rrugëve të parcelave, hapjen e kanaleve, prishjen e objekteve pa leje, dhe për rrjedhojë njësia e prokurimit gjykon se është e domosdoshme që mjete duhet të ketë dy kova, përpara dhe mbrapa si dhe me linjë çekiçi.

Në lidhjen me peshën e mjetit, fuqin e motorit dhe nr e cilindrave, njësia e prokurimit ka miratuar një minimum dhe maksimum të mundshëm në plotësimin e tyre, duke lënë të hapur garën ndërmjet operatorëve ekonomik.

Plotësimi i specifikimeve teknike si më sipër cituar mundësojnë trajtim të njëjtë për të gjithë kandidatet dhe ofertuesit, dhe nuk shërbejnë si pengesë për konkurimin e hapur për prokurimin publik.

Për sa më sipër, njësia e prokurimit gjykon se hartimi i specifikimeve teknike është kryer në përputhje me frymën e legjislacionit të prokurimit publik, dhe i shërben qëllimit të autoritetit kontraktor për zbatimin e kontratës me sukses dhe në kohë.

Hartimi i specifikimeve teknike përmbushen nga një shumëllojshmëri markash dhe modelesh eskavatorësh me goma në treg, duke rritur njëkohësisht konkurrencën midis operatorëve ekonomik të interesuar.

Mosplotësimi i specifikimeve teknike si më sipër cituar nga ana e operatorëve ekonomik ofertues, do të çojë në skualifikimin e operatorit ekonomik.

Mjeti do të merret në dorëzim nga një komision i posaçëm, vetëm në rastet kur plotësohen specifikimet teknike të hartuar nga autoriteti kontraktor.

NJËSIA E PROKURIMIT